

Fresno Hauv Paus Tsev Kawm Ntawv yeej sib zog kom ua tau ib lub hauv paus tsev kawm ntawv zoo. Peb lub hom phiaj yog los npaj kom muaj lub chaw kawm muaj kev ruaj ntseg uas txhawb tau peb cov tub ntxhais kawm ntawv muaj lub siab zoo, muaj lub dag lub zog thiab cov kev txawj los ua tau lub neej zoo rau lawv lub neej tom ntej. Yuav kom ua tiav qhov no ib qho kev txawv txav ntawm qhov chaw kawm thiab cov dej num sib haum xeeb yuav tsum raug tsim muaj. Cov lus qhia ua rau tsev kawm ntawv kev hnav tsoos rau cov tub ntxhais kawm ntawv yuav ua tau raws li lub hom phiaj no. Hauv Paus Tsev Kawm Ntawv Txoj Cai Hnav Tsoos Tsho Tshiab Teev Tseg no siv tau rau tag nrho poj niam txiv neej hauv cov tsev kawm ntawv thiab ntawm cov dej num uas tsev kawm ntawv ua tus txhawb thiab yuav tau tswj tas mus li thiab ncaj ncees los ntawm tsev kawm ntawv cov neeg ua hauj lwm tag nrho.

Tej lwb lub tsev kawm ntawv, nrog rau tsev kawm ntawv pawg neeg tuav tswv yim, muaj cai tsim ib co lus qhia ua ntxiv uas nruj tshaj hauv paus tsev kawm ntawv Txoj Cai Hnav Tsoos Tsho Teev Tseg thiab cov kev cai no. Cov kev cai ntawm no yuav tsum tsis tso cai rau cov uas raug txwv loj. Cov tsev kawm ntawv ris tes dej num rau kev ceeb toom cov tub ntxhais kawm ntawv thiab cov niam txiv/cov saib xyuas kom raws sij hawm txog lawv tsab cai Hnav Tsoos Tsho Teev Tseg sab nraud.

Kev Hnav Tsoos Tsho thiab Kev Tu Cev Kom Tsim Nyog Rau Txoj Kev Kawm

Tej ywb yam tsoos tsho hnav, hom plaub hau, tshuaj pleev plhu lossis saw coj, tab txawm tsis hais kiag nyob rau hauv qab no, uas ua tau rau muaj kev txhawj txog txoj kev ruaj ntseg, ua rau neeg ntsia tus hnav, lossis ua rau muaj kev cuam tshuam rau txoj kev kawm raug txwv tshwj tias hais nyob rau lwm qhov hauv txoj cai no.

Ntau ntxiv, cov khoom hauv qab no yeej raug txwv ntsees lawm:

1. Khoom ntoo, lwm yam uas tsis yog cov mom tseeb lossis mom cau pliaj, yuav tsis pub coj tuaj hauv tsev kawm ntawv. Cov mom tseeb thiab/lossis mom cau pliaj yuav tsum raug tshem tawm thaum nyob rau hauv cov chav kawm lossis hauv cov chaw ua hauj lwm thiab ntoo rau tus cwj pwm tsim nyog.
2. Cov iav tiv hnuv tsis pub coj nyob rau hauv cov chav kawm, cov chaw ua hauj lwm, lossis lwm cov chaw kawm ntawv (tshwj hais tias kom coj los ntawm ib tug kws kho mob).
3. Yuav tsum rau khau hauv tsev kawm ntawv thiab ntawm tsev kawm ntawv cov dej num. Cov khau khiab yuav tsum muaj txoj hlua khiab luj taws, Khau khiab sib sib, cov khau "flip-flops" lossis cov khau looj cuas qab lossis cov khau khiab yuav tsis pub rau.
4. Cov tsho hnav tuaj sab hauv uas tsis muaj npab, cov tog tsho looj yav saum, cov tsho khiab yav saum, cov tsho khiab hlua me me, thiab cov ris thoov thoov lossis dai dai, cov ris uas tsis haum ntawm lub duav, lossis muab txiav ua dog ua dig lossis cov ris tsho muaj tej kab caws caws raug txwv tsis pub hnav.
5. Tej ywb yam tsoos tsho uas pom tshab plaws, cov tsoos tsho uas pom ib ya dua liab qab lossis hauv siab, lossis cov tsoos tsho uas nthuav lub cev ua plees ua yi yuav raug txwv tsis pub hnav.
6. Cov tiav ib ce, cov tiav luv, thiab cov ris luv yeej pub hnav tiam sis tsis pub luv tshaj (4") ntawm lub hauv caug rov saum. Cov ris luv yuav tsum xaws muaj taw ris thiab tsis yog muab nplaum rau xwb. Cov ris luv ua kis las, cov ris luv caji luv thim (spandex) cov ris "gym", thiab cov ris luv uas caws caws raug txwv tsis pub hnav.
7. Tej tsoos tsho uas muaj peev xwm siv ua tau ib qho khoom tawm tsam yuav raug txwv tsis pub hnav, xam tag nrho tiam sis yuav tsis tas rau cov khau lub hau muaj hlau, cov saw hlau, cov khoom muaj pob ntse pob su, thiab lwm yam uas pom tias tsi tsim nyog los ntawm tus thawj xib hwb/lossis tsev kawm ntawv pawg neeg tuav tswv yim.
8. Cov tsoos tsho uas ua rau tib neeg ntsia tus hnav thiab cuam tshuam txoj kev kawm raug txwv tsis pub hnav. Qhov no xam tag nrho cov tsoos tsho txawv txawv, pleev plhu ntau dhau, lub cev tho dai khawb, cov tsoos tsho tub rog lossis txaj txaj, li ntawm ntxiv mus.
9. Lub cev tho dai khawb (pob muag, taub tswg, di ncauj, nplaig, puj ntaus) raug txwv tsis pub muaj.
10. Hom plaub hau uas ua rau tib neeg ntsia cuam tshuam txoj kev kawm raug txwv tsis pub muaj; piv txwv li foo txawv txawv, cov xim, chais tej thaj, tseg ko tws, lossis chais txawv txawv.

Tus Thawj xib hwb, cov neeg ua hauj lwm, cov tub ntxhais kawm ntawv thiab cov niam txiv/cov saib xyuas ntawm tej lwb lub tsev kawm ntawv muaj peev xwm tsim tau ib co cai tswj kev hnav tsoos tsho thiab tu cev kom tsim nyog lub sij hawm cov tub ntxhais kawm ntawv raug koom tes hauv kev kawm ntxiv sab nraud lossis lwm yam dej num tshwj xeeb hauv tsev kawm ntawv.

Cov Kev Ua Rau Tej Kev Yuam Cai Hnav Ris Tsho thiab Tu Cev

1. Cov Kev Yuam Cai Teev Tseg: Cov kev yuam cai tas li ntawm qhov kev tswj cai no los yog cov kev tswj cai txhab ntxiv raug txais yuav hauv nroog yuav tsum raug saib tias yog txhob txwm tawv ntawm tej lus hais kom ua raws Txoj Cai Kawm Ntawv seem lus 48900(k). Raws li hais ntawd rau tej kev yuam cai ntau ntau, cov tub ntxhais kawm ntawv yuav muaj feem raug kev rau txim raws li nram no:
 - a. Kev Yuam Cai Thawj Zaug: Hu rau vaj tse thiab tus neeg yuam cai yuav raug tseev kom hloov ris tsho, hom kev tu plaub hau los yog tshuaj pleev plhu.
 - b. Kev Yuam Cai Zaum Ob: Hu rau vaj tse thiab muab lwm txoj hau kev ua hloov rau kev ncuca kev kawm los yog ncuca kev kawm yog tub ntxhais kawm ntawv tsis kam ua raws lwm txoj hau kev ua.
 - c. Kev Yuam Cai Zaum Peb: Hu rau vaj tse thiab ncuca kev kawm.
 - d. Kev Yuam Cai Zaum Plaub: Muab kev rau txim ntau ntxiv, mus txog thiab xam nrog rau kev ntiab tawm, raws kev xam pom ntawm Hauv Paus Tsev Kawm Ntawv raws li pub ua los ntawm lub xeev txoj cai lij choj thiab/los yog hauv paus tsev kawm ntawv txoj cai/kev tswj cai.

Yog ib tug niam txiv/neeg saib xyuas los yog tub ntxhais kawm ntawv twg tsis txaus siab nrog tus thawj coj lub tsev kawm ntawv qhov kev txiav txim rau ib qho kev yuam cai teev tseg twg, tus niam txiv/neeg saib xyuas los yog tub ntxhais kawm ntawv yuav tsum npaj siab los daws qhov teeb meem los ntawm kev thov ib lub rooj sib tham ntiag tug nrog tus thawj coj lub tsev kawm ntawv. Yog qhov teeb meem tsis muaj peev xwm raug daws tau yam tsis raws cai sib hais raws tus niam txiv/neeg saib xyuas los yog tub ntxhais kawm ntawv qhov kev haum siab, tus thawj coj lub tsev kawm ntawv qhov kev txiav txim raug nce hau hais tau nrog Tuam Thawj Saib Kev Kawm tus neeg txib, uas nws qhov kev txiav txim yuav tsum yog zaum kawg.

1. Cov Kev Yuam Cai Raug Mob Tau los yog Txob Siab: Cov kev yuam cai hnav ris tsho los yog tu cev uas tsim tau kev txob siab tiag tiag ntawm lub chaw kawm ntawv, tshwm sim kev yuam cai tiag tiag ntawm txoj cai lij choj los yog tsev kawm ntawv lwm cov kev cai, xam nrog rau cov cai ntxub ntxaug-ua phem, los yog tsim kev raug mob tiag tiag yuav tshwm sim tau, raws kev xam pom ntawm Pawg Neeg Coj Hauv Paus Tsev Kawm Ntawv, kom muaj kev rau txim nyhav ntxiv, mus txog thiab xam nrog rau kev ntiab tawm yam tsis muaj kev saib txog cov kauj ruam teem tseg kom ua saum toj no rau tej kev yuam cai teev tseg. Txoj hau kev taug ua rau kev nce hau hais ntawm cov kev yuam cai raug mob tau los yog txob siab no yuav tsum yog raws nram nrog Hauv Paus Tsev Kawm Ntawv tej kev taug ua rau txim teev tseg.
2. Thawj Coj Tsev Kawm Ntawv Cov Kev Xaiv Ua: Cov Thawj Coj Tsev Kawm Ntawv muaj lub fwj chim tsis tso cai rau kev hnav ntawm tag nrho tej ris luv thooob plaws tsev kawm ntawv vim tej kev yuam cai tub ntxhais kawm ntawv ib sij muaj ntawm txoj kev tswj cai no.
3. Cov Qhab Nia Kawm Ua Kom Ib Ce Khov: Tsis muaj qhab nia ntawm ib tug tub ntxhais kawm ntawv twg koom rau hauv ib chaw kawm ua kom ib ce khov yuav tsum raug ua kom phem yog vim rau qhov muaj tseeb tias tus tub ntxhais kawm ntawv tsis hnav tej ris tsho teem kom hnav kawm ua kom ib ce khov nyob rau thaum qhov kev plam los hnav tej ris tsho li hais ntawd tshwm sim los ntawm tej xwm txheej nyuaj dhau tus tub ntxhais kawm ntawv qhov kev tswj tau. (Txoj Cai Kawm Ntawv 49066.) (cf. 5121 – Cov Qhab Nia/Kev Luj Xyuas ntawm Tub Ntxhais Kawm Ntawv Kev Kawm Tau)

Khoom Hnav Tiv Thaiv Hnub

Tej lwb lub tsev kawm ntawv yuav tsum tso cai rau kev siv nraum zoov hauv hnub kawm ntawv ntawm tej khoom hnav tiv thaiv hnub, xam nrog tab sis tsis tag rau, cov kaus mom, yog tias tej khoom hnav tiv thaiv hnub tsis yuam cai lwm yam li cas rau txoj kev tswj cai no. Tej lwb lub tsev kawm ntawv teem tau ib txoj cai muaj feem rau hom khoom hnav tiv thaiv hnub, xam nrog tab sis tsis tag rau, cov kaus mom, uas cov tub ntxhais kawm ntawv yuav raug tso cai siv nraum zoov, yog txoj cai ntawd nruj dua qhov kev tswj cai no. Qee yam khoom hnav thiab cov kaus mom raug xam pom los ntawm hauv paus tsev kawm ntawv los yog lub tsev kawm ntawv tias yog muaj feem txog neeg phem (gang) los yog khoom hnav tsis tsim nyog yuav raug txwv tau los ntawm lub tsev kawm ntawv txoj cai hnav ris tsho.

Kev Tshwj rau Cov Kev Tswj Cai

Thoob plaws, cov cai hnav ris tsho thiab tu cev nruab nrab ntug no yuav raug siv thoob plaws rau tag nrho cov tub ntxhais kawm ntawv yam tsis muaj kev saib xyuas rau tej xwm txheej ntiag tug. Txawm li ntawd los, tej kev ntseeg ntuj, tej kev tseev kom muaj ua kev kho mob los yog lwm yam qab hau yuav ua tau cov hauv paus lus hais rau ib qho kev tshwj rau qee suam ntawm Hauv Paus Tsev Kawm Ntawv Txoj Cai Hnav Ris Tsho Teev Tseg nrog kev muaj lus pom zoo ua ntej ntsees los ntawm Hauv Paus Tsev Kawm Ntawv. Ib qho kev ua ntaub ntawv thov rau ib qho kev zam ntawm kev tswj ib suam hais ntsees twg ntawm Hauv Paus Tsev Kawm Ntawv Txoj Cai Hnav Ris Tsho Teev Tseg raug cob tau rau tus thawj coj tsev kawm ntawv.

Yuav tsis muaj tej kev tshwm sim ib zaug tias tus thawj coj tsev kawm ntawv yuav tso cai rau ib qho kev tshwj rau kev hnav ris tsho los yog kev tu cev uas nthuav tawm tej khoom cim neeg phem, siv lus thuam kev ntseeg, nthuav tawm tej khoom los yog tej lus cim uas txhawb nqa luam yeeb, dej caw, yeeb tshuaj los yog kev ua plees ua yi, uas cuam tshuam ntau nrog tes dej num kawm ntawv, txob siab heev rau lub chaw kawm ntawv los yog tsim tau ib qho kev pheej hmoo ntawm kev nyob ruaj ntseg.

Khoom Hnav Muaj Kev Sau Ntawv, Khoom Cim, Duab, thiab Khoom Coj

Tej khoom hnav, khoom coj zoo nkauj los yog khoom siv ntiag tug (cov hnab ris nra, cov hnab sia ntawm duav, cov hnab ntim ris tsho ua si, cov nyias khawm coj, cov lam fwj dej li no mus ntxiv) tsis raug tso cai yog cov khoom ntawd muaj kev sau ntawv, khoom cim, duab, los yog khoom coj uas:

1. Nthuav tawm tej khoom cim muaj feem txog neeg phem raws li hais tseg nram qab no;
2. Siv lus thuam kev ntseeg;
3. Nthuav tawm tej khoom siv los yog lus cim uas txhawb nqa luam yeeb, dej caw, yeeb tshuaj los yog kev ua plees ua yi;
4. Txob siab heev rau txoj hau kev taug kev kawm;
5. Yog lus ntsawv siab, ntawv sau rhuav plhu, lus hais rhuav plhu;
6. Tsim tau ib qho kev raug tau mob pom meej thiab tam sim thaum ua ntawm tej kev ua tsis raug cai, kev yuam cai ntawm tsev kawm ntawv tej kev tswj cai, los yog kev raug mob rau cov tub ntxhais kawm ntawv, cov neeg ua dej num los yog tsoom neeg zej zog;
7. Yuam lub xeev tej cai lij choj ntsub ntxaug-ua phem.

Hais txog seem lus no, lub tsev kawm ntawv cov neeg ua dej num tsis muaj lub fwj chim los tsim tej cai teev tseg hnav ris tsho thiab tu cev nruj tshaj rau hauv lub tsev kawm ntawv, thiab cov neeg ua dej num tsis muaj lub fwj chim los tsim tej kev tshwj rau tej kev tseev kom ua no.

Khoom Hnav Muaj Feem Rau Neeg Phem (Gang)

Khoom hnav muaj feem rau neeg phem tsis raug txais yuav. Yog cov tsev kawm ntawv tej lwb lub twg uas muaj ib txoj cai hnav ris tsho txwv tej khoom hnav muaj feem rau neeg phem hauv tsev kawm ntawv los yog tej chaw khiav dej num kawm ntawv, tus thawj coj tsev kawm ntawv, cov neeg ua dej num, thiab cov niam txiv/cov saib xyuas uas koom rau hauv kev tsim tsev kawm ntawv txoj kev npaj kev nyob ruaj ntseg yuav tsum txhais “khoom hnav muaj feem rau neeg phem” kom meej thiab yuav tsum txo qhov kev txhais no rau tej khoom hnav uas muaj peev xwm raug xam pom tau yam muaj qab hau tias yuav txaus ntshai rau txoj kev noj qab haus huv thiab kev nyob ruaj ntseg ntawm lub chaw kawm ntawv yog tias nws raug hnav los yog nthuav tawm rau hauv ib lub vaj loog kawm ntawv twg. (Txoj Cai Kawm Ntawv 35294.1)

Vim tej khoom cim muaj feem rau neeg phem yeej hloov tag li, cov lus txhais khoom hnav muaj feem rau neeg phem yuav tsum raug rov ua zoo xyuas yam tsawg ib "semester" ib zaug thiab kho kom muaj txhij thaum twg tej lus qhia muaj feem xyuam raug txais. Cov thawj coj tsev kawm ntawv yuav tau koom tes nrog tej Chaw Khiav Dej Num Tswj Cai Lij Choj los kho tej kev hloov kom muaj txhij txog khoom hnav muaj feem rau neeg phem thaum pib ntawm tej lwb lub "semester" los yog cauj npaum li xav tau.

Cov Ris Tsho Zoo Sib Xws

Nyob rau hauv cov tsev kawm ntawv uas ib qho kev hnav ris tsho zoo sib xws thoob plaws tsev kawm ntawv raug tseev kom muaj, tus thawj coj tsev kawm ntawv, cov neeg ua dej num, thiab cov niam txiv/covsaib xyuas ntawm tej lwb lub tsev kawm ntawv yuav tsum sib koom tes xaiv hom ris tsho zoo sib xws thiab cov kev sib txuam ris tsho zoo sib xws los mus hnav. (Txoj Cai Kawm Ntawv 35183) Tus thawj coj tsev kawm ntawv los yog tus neeg txib yuav tsum muab lus ceeb toom niam txiv yam tsawg kawg nkaus rau lub hlis ua ntej ib txoj cai hnav ris tsho sib xws twg hauv tsev kawm ntawv raug pib siv mus. (Txoj Cai Kawm Ntawv 35183)

Cov niam txiv/cov saib xyuas yuav tsum raug qhia txog lawv qhov kev muaj cai los muab lawv tus me nyuam zam ntawm tsev kawm ntawv ib txoj cai hnav ris tsho zoo sib xws twg. Ib tug tub ntxhais kawm ntawv twg raug zam ntawm kev koom rau hauv tsev kawm ntawv ib txoj cai hnav ris tsho zoo sib xws twg los ntawm nws niam nws txiv/cov saib xyuas yuav tsum ua raws txoj kev tswj cai no thiab tej cai hnav ris tsho txhab ntiv raug txais yuav nyob rau hauv them tsev kawm ntawv.

Tus Tuam Thawj Saib Kev Kawm los yog tus neeg txib yuav tsum tsim muaj tej kev ntaus nqi rau kev saib xyuas tub ntxhais kawm ntawv kev tsim nyog tau kev pab nyiaj txiag thaum yuav tej ris tsho zoo sib xws.

Tus Tuam Thawj Saib Kev Kawm los yog tus neeg txib yuav tsum tsim muaj ib txoj kev ua rau kev siv ntau tom los yog kev sib hloov tej ris tsho zoo sib xws thaum cov tub ntxhais kawm ntawv loj dhau lawv lawm.

Cov tub ntxhais kawm ntawv uas koom rau hauv ib lub koom haum hluas paub thoob teb chaws twg yuav tsum raug tso cai rau hnav koom haum tej ris tsho zoo sib xws nyob rau hauv cov hnuv thaum lub koom haum muaj ib lub rooj ncauj lus teem tseg. (Txoj Cai Kawm Ntawv 35183)

Kev Tswj Cai Raug Txais Yuav Xya Hli Ntuj tim 8, 1993
hloov kho: Ob Hlis Ntuj tim 22, 1996
hloov kho: Cuaj Hlis Ntuj tim 10, 1997
rov ua zoo xyuas: Tsib Hlis Ntuj tim 18, 2001
hloov kho: Xya Hli Ntuj tim 16, 2003

**Fresno Hauv Paus Tsev Kawm Ntawv
Fresno, California**